



**Općinska služba za boračko-
invalidsku zaštitu**

**PROGRAM RADA
Općinske službe za boračko-invalidsku zaštitu
Gradačac za 2010. godinu**

Ovim programom definisane su aktivnosti Službe za dati period u okviru zakonima definisanih nadležnosti kao i odluka Općinskog vijeća i Općinskog načelnika.

U skladu sa Zakonom o državnoj službi u Federaciji Bosne i Hercegovine ("Sl. novine Federacije BiH", broj 29/03 i 08/06), Zakonom o namještenicima u organima državne službe u Federaciji Bosne i Hercegovine (Sl. novine Federacije BiH", broj 49/05) i Zakonom o organizaciji organa uprave u Federaciji Bosne i Hercegovine ("Sl. novine Federacije BiH", broj 35/05), a na osnovu Zakona o upravnom postupku ("Sl. novine Federacije BiH", broj 2/98) te Zakona o pravima branilaca i članova njihovih porodica ("Sl. novine Federacije BiH", broj 33/04), Zakona o dopunskim pravima boraca-branitelja i članova njihovih porodica ("Sl. novine TK", broj 3/07) i Zakona o dopunama zakona o dopunskim pravima branilaca i članova njihovih porodica („Službene novine TK“, 13/09), Služba je organizirana i vodi prvostepeni upravni postupak prema propisanim uslovima, načinu i postupku za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branilaca i demobilisanih branilaca, lica zaslužnih u odbrambeno oslobodilačkom ratu, kao i za druga pitanja iz oblasti boračko-invalidske zaštite.

U okviru sistematizovanih referata ove Službe kontinuirano će se nastaviti upravni postupci vezani za ostvarivanje prava na:

- porodičnu invalidninu i sve promjene nastale u toku tekuće godine zbog promjena statusa korisnika koje utiču na obim propisanih prava u skladu sa važećim propisima;
- ličnu invalidninu i sve promjene nastale u toku tekuće godine;
- osnovno obezbjeđenje za demobilisane borce;
- postupci vezani za ostvarivanje dopunskih prava zdravstvene zaštite sa raspodjelom markica premije od kantonanog Zavoda za zdravstveno osiguranje, prava na ortopedska pomagala, prava na banjско-klimatsko liječenje, obavezne udžbenike za osnovno obrazovanje, lijekove, troškove naknade za dženaze – sahrane, sufinansiranje za postavljne nišane – nadgrobne spomenike poginulim borcima;
- postupci vezani za obračune iznosa invalidnina u skladu sa donesenim rješenjima za korisnike prava, a na osnovu Odluke Vlade FBiH u skladu sa Instrukcijom o načinu obračuna sredstava invalidnina (za svaki mjesec u godini) od Ministarstva za boračka pitanja TK.

U skladu sa Uredbom o utvrđivanju uslova, kriterija i postupaka za odobravanje finansijskih sredstava za pomoć u rješavanju stambenih potreba branitelja i članova njihovih porodica na području Tuzlanskog kantona, ova Služba će obezbijediti tehičku pomoć i učestvovati u radu Prvostepene komisije, te će po odlukama Drugostepene komisije vršiti realizaciju i kontrolu odobrenih sredstava korisnicima BIZ-e.

Služba će po raspisanom konkursu za dodjelu stipendija učenicima i studentima za školsku 2010/2011. vršiti prijeme i obradu zahtjeva kandidata za stipendije, te iste dostavljati na rješavanje nadležnoj komisiji pri Ministarstvu za boračka pitanja TK.

Služba će saradivati sa ostalim službama kada su u pitanju postupci vezani za ostavarivanje prava na subvencioniranje troškova izdavanja građevinskih dozvola, postupci vezani za konkurse za općinske stipendije učenicima i studentima za tekuću godinu, te prijem i obradu zahtjeva za jednokratne novčane pomoći od Ministarstva za boračka pitanja TK, kao i drugim pitanjima vezanim za prava korisnika boračko-invalidske zaštite.

U proceduri je donešenje Zakona o reviziji prava korisnika iz oblasti boračko-invalidske zaštite koji će nalogati cjelovitu obradu svih predmeta korisnika pri ovoj Službi, što će zahtijevati puni angažman svih uposlenika. Konkretno aktivnosti i dinamika rada Službe utvrditi će se po donošenju provedbenih akata od strane Federalnog ministarstva.

Saradnja sa institucijama i ustanovama u cilju donošenja što kvalitetnijih rješenja za korisnike prava BIZ-e biti će intenzivnija u prethodnom periodu, što će sigurno donijeti još bolje rezultate u ukupnom vrednovanju rada ove Službe.

Saradnja sa boračkim udruženjima nastaviti će se u okviru saradnje sa Koordinacionim tijelom boračkih organizacija kroz projekte koje su kandidovali i koji budu donešeni u okviru budžeta Općine za 2010. godinu

Za očekivati je da će projekat „Zločini protiv čovječnosti počinjeni u općini Gradačac u vrijeme agresije na Republiku Bosnu i Hercegovinu 1991-1995. godine“ kao i izrada elaborata o izgradnji Muzeja odbrane sjeveroistočne Bosne u Gradačcu tražiti puni angažman članova boračkih organizacija i drugih subjekata u cilju prikupljanja kvalitetnih podataka i informacija, a koji su predloženi u nacrtu Budžeta za 2010. godinu.

Ukoliko prihvati Budžeta budu na planiranom nivou Služba će u saradnji sa Koordinacionim tijelom boračkih organizacija nastaviti aktivnosti na izradi projekta sanacije i uređenja Centralnog mezarja u Mahmut Mahali.

Shodno Odluci o značajnim datumima Služba će u saradnji sa boračkim udruženjima utvrđivati konkretne planove aktivnosti i konstrukciju finansiranja za svaki značajni datum.

Takođe, Služba će u saradnji sa boračkim organizacijama kontinuirano pratiti socijalno-statusna pitanja i iznalaziti adekvatna rješenja u cilju poboljšanja stanja najugroženijih korisnika. U tom smislu obezbijediti će se sredstva u Budžetu za obilasku porodica šehida – poginulih boraca i rehabilitaciju ratnih vojnih invalida na osnovu kandidovanih projekata Organizacije porodica šehida i Organizacije ratnih vojnih invalida općine Gradačac.

Aktivnosti Koordinacionog odbora za podizanje spomen obilježja – nišana poginulim borcima-šehidima odbrambeno-oslobodilačkog rata 1992-1995. godine uslovljene su iznosima sredstava koja su planirana za svaku budžetsku godinu i jednim kontinuiranim radom naredne godine, za očekvati je da će svi mezari šehida-poginulih boraca biti obilježeni na dostojan način i time bi aktivnosti Koordinacionog odbora bile okončane.

Za realizaciju svih narednih zadataka i poslova biti će neophodna financijska sredstva koja su i dosada u najvećem dijelu obezbjeđivana iz Budžeta Općine Gradačac. Za kapitalne projekte osim sredstava Budžeta neophodno je animirati širu društvenu zajednicu na lokalnom nivou i svakako tražiti financijsku podršku i viših nivoa vlasti.

Uslovi rada Službe u potpunosti ne zadovoljavaju, te je neophodno u narednoj godini obezbijediti još jednu kancelariju referentu za zdravstvenu zaštitu i socijalno zbrinjavanje zbog specifičnosti poslova koje obavlja. Isto tako neophodno je obezbijediti još dva računara kako bi svi izvršioc i nesmetano obavljali poslove kvalitetno i u zadanim rokovima.

Broj: 05-41-4170/09.
Gradačac, decembar 2009. godine

Pomoćnik općinskog načelnika,

Šefik Duraković